



倚  
蘭  
子

一



服部文庫  
117  
20 /  
1



衛蘭子序

今讀古諸子者未嘗不謂然歎也... 蓋道尚管不施之行事哉... 如孔氏七十子... 提雖曰... 之才抱有為之志... 言者必有所以... 夫子... 家... 則... 乃...

117  
301  
1

猗蘭子序

余讀古諸子書未嘗不喟然歎也曰古之立言  
載道曷嘗不施之行事哉自如孔氏七十子之  
徒雖曰管晏於霸孟荀於儒亦皆其人負命世  
之才抱有爲之器遠觀法言近察時勢如有所  
言者必有所試矣至夫老子唱道家言莊周列  
禦寇因載怪迂之談墨翟禽滑釐節用而大轂

及孫吳之兵陣商鞅申韓之名法雖其人之瞻  
智哉其始也少濫耳則其終必至逕庭無所用  
之不則苛察少恩愈切愈刻亦皆隨時抑揚譁  
衆取寵然百家之學各有所長當其時言禮樂  
者溺其職矣於是慎到田駢宋研公孫龍鄒衍  
李悝尸子吁子雜家從橫之徒紛紛復起然後  
鈞有鬚卵有毛無不可言其極也至謂處士橫

議而一掃乃玉石俱焚則祇足以爲衰世煽災  
益亦末造之變也後代藝文益博操觚之士動  
乃數十萬言然大抵率燿智自售或務高空論  
古先之遺視爲文具豈以郡縣異制禮度多違  
歟可以言可以無言要其歸亦如捉影耳吾  
國家建國分治太平之治百有餘年天下睥睨  
然待禮樂之成久矣乃神戶侯以列侯入參大

政於茲一紀昌言俞嘒之餘退乃有所論著焉  
夫君子好古非惟以其典雅可觀而已矣蓋亦  
在於施用焉傳曰徵諸庶民考諸三王而不繆  
建諸天地而不悖者有旨哉有旨哉俟百世而  
不惑視諸今可覩也亦猶挹水於河而求火於  
燧也則君子學古豈徒哉夫侯亦行古之道也  
是書也文辭簡遠直己並軌於秦以前董劉而

下則無及焉乃侯篤於古可謂躬與之化矣侯  
家舍人梓而藏焉侯名忠統字大乾猗蘭爲號  
所以命書也 皇和享保廿年秋八月平安服  
元喬序

Blank columns for writing on the right page.

猗蘭子卷之一



治基

治基在知體政基在知勢故有虞氏貴德夏后氏貴爵殷人貴富周人貴親制作世異何其異乎體勢則異夫時移物換人變事異其必然焉是以君子為國張其綱紀謹其教化而為今之所不必有而應後之所必有夫政者君所為而

臣守而順之故上用目則下飾觀上用耳則下飾聲上用慮則下繁辭皆順其所爲而爲而國無常彊國無常弱君盡己之能則弱盡人之智則彊故明君擇臣而任官大夫任官辦事官長任事守職如此則國何弱乎天下何不彊乎墉基不可以倉卒而成功業不可以一旦而爲爲之有漸建之有素是以聖人以禮樂治天下民

心則節民聲則和教化已行百世不亂從是觀之若非聖人不能治天下也夫可必非聖人不能則世無聖人天下何以可治乎而君世君天下世天下治世治政世政而世無闕其治也夫人之靈也不學而通理不習而達事故爲則爲政雖然因其所好以繩下是以有彊者有柔者有猛者有寬者有苛者彊則人憚柔則人輕猛

則人急寬則人緩苛則人苦故聖人務本本立而及之四海夫景不爲曲物直響不爲惡聲美故其本不直人亦不爲直不美人亦不爲美是故和璞不磨不生其光莫邪不研不得其利嘉肴弗食不知其旨至道弗學不知其善唯夫通理達事性之智也而人皆有之是以善善惡惡以明事賢賢愚愚以明人然而善惡賢愚所明

其必因明人之明故我所明或非人明人所明或非我明上下之明相齟齬而上疑下疑爲君之道不備豈謂無闕之治哉是故能由聖人之教能達聖人之道然後可知國之體勢可知天下體勢知以爲政治道備矣

仲尼曰敬鬼神而遠之遠之敬之至也夫鬼神



宜尊宜敬宜恐懼故遠矣邇則瀆瀆則不敬也  
故祭祀必齊明盛服以專衷正心不直不感體  
不清不應言不實不受而無視無聽如有如無  
黯黯藐藐而靈其唯靈是以尊何爲徵與昔夏  
之興也融降於崇山其亾也回祿信於聆隧商  
之興也禱杙次於丕山其亾也夷羊在牧周之  
興也鸞鷲鳴於岐山其衰也杜伯射王於鄗是

皆其徵者也蓋鬼神之爲德不可測也是以聖  
人以之夫天皇氏地皇氏何以為祖無祖何以  
尊無尊何以敬敬也敬上已者敬之慎已慎已  
教民民是以敬故敬之祭之治國之本也君明  
其義臣能其事夫義者所以濟志也諸德之發  
也是故盛者其志厚其志厚者其義章其義章  
者上下不悖矣苟反之天下之心皆反故古聖

王率天下之民齊戒沐浴以祭是爲人君者欲  
安衆民之心至深是故猶因鬼神之靈德以盡  
其志豈不然乎夫祈雨則雨安旱之苦五雲之  
變卜筮之豐歉民之所好衆皆歸焉是以雖聖  
有所不知則告之神以明焉所以然者德有所  
歸是達神之道也

人主上

人主之道也仁人主之德也知知人知也人  
主能知人以用之用則天下之民信之德是以  
成道是以達仁之則也術也故王者之道如龍  
首高居而遠望深視而審聽任道以夷其險立  
法以理其差使賢愚不相棄能否不相遺是以  
賢愚等慮能否齊功是故天下之人無不用天  
下之力無不竭無不用則天下之人有無不竭

則天下之力任有焉任焉爲仁也爲德也是謂  
之知也夫知非知萬人知社稷之臣也人主知  
之而舉之此又知而舉之舉之又舉而安民是  
謂之爲仁爲德也故任其賢則政達不任則政  
分政達則治政分則戾則太平之所興也則荒  
亂之所起也雖然水至清則無魚人亦至察則  
無徒目妄視則淫耳妄聽則惑故古聖王冕而

前旒所以蔽明也絃統充耳所以掩聰也所理  
者遠則所在者邇所治者大則所守者少是以  
明主能任賢必也高乎爵位厚乎蓄祿不高則  
民弗敬不厚則民不信已敬已信天下之人無  
不用天下之力無不竭若使雞司夜狸執鼠皆  
用其能上乃無事是仁眇天下義眇天下威眇  
天下也仁眇則天下莫不親也義眇則天下莫

不貴也威眇則天下莫敢敵也域中有四大而  
王居其一焉苟不以道曷大之爲天下不爲  
不用人主下夫騏驥之足雖未飛走而輕迅可必也干將之  
劍徐氏匕首雖未奮擊其立斷無疑也至謂使  
之可必千里乎可必立斷乎利劍飛走豈復異  
駑馬牛刀乎堯之知舜不違桑陰文王之知呂

尚不以永日眉睫之微而形于色音聲之妙而  
動于心故不待成功而舉之舉之則有成功也  
千里而後知騏驥立斷而後知利劍孩提之童  
所知何謂人主之知乎夫人情如面有心剛而  
色柔容強而質弱貌愿而行慢性猥而事緩或  
喜不必愛或怒不必憎或笑不必樂或泣不必  
哀藏情隱行其將不可測也佞與賢相類詐與

信相似辨與智相混愚與直相淆如此則何以知其善邪或曰骨植而柔者謂之弘毅仁之質也氣清而朗者謂之文理禮之本也體端而實者謂之貞固信之基也筋勁而精者謂之勇敢義之決也色平而暢者謂之通微智之原也如此則知其善邪雖人情即如面其變幾無窮人主大體有所知與上上也下下也上觀下何如

下觀上下觀上遠上觀下邇故其遠而難親必有所嫌疑以其有所嫌疑行隱情藏而不發以其所不發上邇觀之不舉用下遠觀之困屈所以賢能不進也夫連城之壁夜光之珠生于荆山鬱浦而揚聲于章華之臺炫燿于綺羅之堂也人主求之也况賢者乎不至不求也燕昭王求郭隗也人主大體有所用與以觀下邇我爲

自知不用羣下之財乎我為自知我不自知  
也人臣哉

書曰臣哉鄰哉鄰哉臣哉臣之道盡矣又曰為  
上為德為下為民其難其慎惟和惟一是一謂  
賢良也君聖則無愚臣所以無愚者明以致遠  
豈有愚乎雖君愚有賢臣所以有賢者臣者也  
多豈無賢乎賢賢賢不賢在上明晦也是以伊

尹呂望其功大龍逢比干諫而死豈異乎以事  
湯武心事桀紂以事桀紂心事湯武豈異乎竭  
四肢之力以任君之事終身不倦豈異乎君德  
聖明忠臣以榮君德不足忠臣以辱是故善為  
人臣者聲名歸之君禍災歸之身入則切磋君  
之不善出則高譽君之德義是為君必君為臣  
必臣君不必為君臣何必為臣乎故君不為

義臣無不信其能爲信雖愚主必有天下故曰  
天子有爭臣七人雖無道不失天下諸侯有爭  
臣五人雖無道不失其國爭也諫也臣之信也  
術也蓋以容爲要容也諫乎未形也至已彰旣  
行則抗議死節不能夫爲其術也譬攻石以玉  
治金以鹽濯錦以魚浣布以灰是物因外物而  
成事因外事而達故能察其性之所有存能知

其情之所由起則諫無不容蓋諫有五義曰譎  
曰戇曰降曰直曰諛仲尼取諛諫矣諛也禍患  
之萌深覩其事而諷告夫暴也如積乎一簣而  
成山何始暴乎其始也一簣除一不積其安至  
暴以此觀之龍逢比干勉邪非邪未嘗不知其  
性之所有存其情之所由起而不能者其有所  
必欲容而不得其志邪又將國之憂急故抗議

忘生邪是則雖忠義而不容無益也其謂之何  
凡忠臣事聖主夷事暴主難以逢干之忠事湯  
武不在尹望之後邪使尹望事桀紂能輔佐邪  
使以無暴名邪身終夷難臣之命也處于夷難  
而盡忠臣之道也故無故而顯名無功而富貴  
君子耻之是以賢良者必計功而受賞積力而  
受官也功力不能而受之何異竊寶玉大弓乎

其知命

聖哉仲尼五十而知天命誠可知也聖哉仲尼  
刪詩定禮樂誠可刪定也天命天命我命也知  
則應命應則傳道仲尼一攝政而不用之衛齊  
而不用退而作春秋而其言終獲麟聖哉仲尼  
終獲麟誠可終也詩人情至禮樂先王道之刪  
之定以命也以道也故曰鳳鳥不至河不出圖



吾已矣夫又曰吾道不行乘桴浮于海則歎息之至也何爲歎息乎道無以興乎世世無興乎道而猶不能已而猶無有道之君何爲不已乎道之不可言道之不可行雖聖不能爲故曰不復夢見周公又曰逝者如斯夫不舍晝夜是仲尼非天子非諸侯何能自行而日徂月徂去古其邈聖模闕焉教化衰焉豈不亦歎息乎夫先

王知人情之易動故作樂以和之制禮以節之樂也動乎內禮也動于外是以民心不淫不姦不邪不隱不怨不恣是以安安是以定定是以靜仲尼蓋亦欲制焉以安國人其意何異先王然道命降下不可以上仁獸圍囚不可以仁豈不亦歎息乎夫貴富貴賤貧賤君子亦何異然而君子富貴也能以富貴富貴道故利于民佑

其下貧賤也能以貧賤貧賤道故樂乎已無患  
難是以君子耻乎獨富獨貴也曾參躬耕力食  
而不受魯君賜子夏衣若懸鶉而不爲仕原憲  
蓬戶甕牖而不爲病是君子以義衛身以身衛  
義譬之蘭可燔而不可減其馨丹可磨而不可  
奪其色玉可碎而不可改其白也行不肯苟合  
言不肯苟容雖晉楚富雖皇帝貴不願故窮則

無一朝食無一夕飲一飢一渴必也迫生而樂  
以不憂浩浩以驕斯豈榮一世榮乎則榮萬世  
榮也身雖貧窮道何貧窮貧富則遇不遇也遇  
不遇則有道無道故無道遇有道不遇有道遇  
無道不遇是以非分之達猶林木之冬華君子  
所非也守道之窮猶松栢之凌霜君子所守也  
是故君子窮則述以傳焉骨朽道不朽道不朽

則天下之治生天下之治生則有時有賢主有  
天有聖主有聖主有賢主則治易施是聖人所  
以善度善豫而施後世也雖仲尼徒多而顏回  
獨為賢回也至貧也而不幸短命死仲尼歎曰  
天喪予天喪予而哭之慟矣回齒不五十而所  
知一也不則仲尼言一簞食一瓢飲何以稱之  
哉回附仲尼其名高不附則仲尼不則何言天

喪予哉仲尼之道不行是以歎息回之短命也  
可知也亦復仲尼知命之一與既已道不行也  
終應命故傳焉然則不用道之命也道之命也  
如天之無終是以詩書可觀禮樂可察聖意可  
考也或曰孔氏未生時有麒麟吐玉書于闕里  
其文曰水精之子繼衰周而素王顏氏亦以繡  
紱繫麟之角信宿去云聖賢之生也有奇也道

之貴愈可知道之衰愈可知

其文曰水滸之子斷髮周而素王雖及亦以斷

髮也及曰凡為未主却育無繼如王書于陶里

吸天之無為是以指書可斷髮樂下察望意何

為動命姑與湯然限不用其之命也其之命也

何味也亦與中風味命之一與也已而不符也

猗蘭子卷之一



